



Amuri
Disideri
Passioni
Gilusii
Tradimenti

Poesie
di

*Giuseppe
Cardella*

2011

Amuri
Disideri
Passioni
Gilusii
Tradimenti

Poesie
di

Giuseppe
Cardella

Amuri

Quannu tu nun ci s'ì

Quannu tu nun ci s'ì,
la casa è senza mura.
Ti cercu, ma unni s'ì ?
Nun sentu cchiù rumura.

Comu 'sta casa
lu mè cori è votu.
Nun c'è cu mi vasa,
sugnu 'n'omu 'ngnotu.

Di la matina a la sira,
anima mia, pensu a tia.
La vita vali mezza lira
si tu, ora, nun si cu mia.

Ti sonnu ogni notti e ti viù,
t'abbrazzu e mi cunortu.
Sentu lu tò respiru, amuri miu,
lu cuscinu è lu me cunfortu.

Allestiti a veniri sciату miu,
senza tia nun pozzu stari.
Staiu mali quannu nun ti viù,
veni! Ti vogliu di cchiù amari.

Ti amu assà pi stari senza tia,
perciò natra vota nun ti 'ni iri.
La lontananza nun 'n'è pi mia,
stammi vicinu e fammi giuiri.

Uno, cento, mille

Il dolce suono di un violino
accompagna il ritmo di una dolce,
lunga notte d'amore.

Lo sfiorare delle labbra,
lo scivolare delle dita,
cercano la nota più dolce.

Il dolce suono di cento violini
accompagnano la dolce
lunga notte d'amore.

Questo amore è poesia!

Stringendomi al suo nudo corpo,
il dolce suono di mille violini
accompagnano la dolce
lunga notte d'amore.

Vorrei che il tempo si fermasse.

Disideri

Arsu di siti

Arsu di siti sugnu di tia,
vagnami 'sti labbra cu li tò,
dissita l'anima dintra di mia,
dammi a vùviri l'amuri tò.

Ti sentu e pi mia si 'n'alimentu
la to vuci mi trasi 'nta li vini,
un focu s'adduma nun mumentu,
ccà ti vulissi, cu mia e stari vicini.

'Sta fiamma ca cuva è viva e ardenti,
nun saggiu comu fari pi carmalla,
tu si luntana e nun po fari nenti,
iu stessu mi dugnu aiutu 'p'astutalla.

'Nveci di la me, vulissi la to manu,
pi carmari 'stu focu, ca s'accanisci,
la fiamma s'astuta pianu-pianu,
si sfoga e di piaceri s'arricchisci.

Un milioni di scintilli vibranti,
sparsi 'nta 'stu focu ardenti,
astutaru 'sta fiamma accicanti
accussì cuitaru, corpu e menti.

Ora sugnu sazziu di siti e d'amuri,
ma, 'sta fiamma l'astutassi tutti l'uri.

Smania d'amuri

Comu fazzu? Nun pozzu cchiù stari
si nun ti sentu pi 'na iurnata.
Sulu cu tia vogliu palari
tu e tu si la me 'namurata
D'amuri speru can un si mori
pirchè ormai tu si 'ni lu me cori.

Nun fari soffriri
'stu poviru criauturi
macari fammi capiri
di spirari di lu to amuri.
Chistu, cridimi, nun è jocu
ti sentu e ardu comu lu focu.

Tu, bedda me, si comu lu ventu
nun ti pozzu mancu abbrazzari
pirchè nu ti vidu, però, ti sentu
ti vulissi vasari, accarizzari, amari.
Sulu la notti ti vidu 'nta lu sonnu
e pregu ca nun divintassi iornu.

Cu la smania mi trovu scummigliatu
senza linzolu, né coperta e né cuscinu,
di lu friddu sugnu tuttu agghiacciatu
cu lu to sciatu mi casdii lu me coricinu.
Sentu lu to sciavuru, pupidda bedda
nnì li labbra ti dugnu 'na vasatedda.

Ti stringiu, ti vasu tutta, t'abbrazzu,
sentu la smania ca 'm'acchiana 'ntesta,
lu sfogu lu trovu sulu 'ni lu matarazzu
nnì lu sonnu pari tuttu veru, è 'na festa.
Menumali ca 'sta notti ti sunnavu,
fu smania d'amuri, ma iu veru t'amavu.

Passioni

Iu sugnu pruntu

Era un piaciri pi ccu ti taliava
viditi vistuta cu la vistinedda
niura tutta bedda scullata.
Ogni fimmina ti 'mmidiava.

Lu pettu s'affacciava
beddu biancu e armuniusu,
tra 'na girata e l'atra
tuttu ti s'annacava.

Quannu ti vitti ristavu allucutu,
mi cunfunnivu di 'na tali manera
ca nun potti diri ne tri e ne quattru,
ristavu tisu, allammicatu, e mutu.

Ti taliavu di la testa a li pedi,
mentri a 'menti me diceva:
chi si bedda, si duci comu lu meli,
Pirchè a mia nun ti cuncedi ?

Si mi dassitu 'na spinta,
partissi 'nquarta,
iu sugnu pruntu,
sta a tia mettiri la quinta.

Nenti a ma cuntari 'ni 'sta vita?
Perlumenu dicemu:
ca iu misi la quarta e tu la quinta.

Ancora nun sapi nenti

Sugnu di 'na picciotta 'namuratu.
Avi la vucca duci e l'occhi splendenti,
di la sò biddizza sugnu 'nfatuatu,
ma ancora idda nun sapi nenti.

Nun sapi l'amuri ca cci vogliu.
La taliu e mi pari ca capisci.
Ci vulissi fari leggiri 'stu fogliu
pi vidiri si arrussica o 'mpallidisci.

Vulissi ca di 'st'amuri idda lu capissi,
pirchè spiranza di diriccillu nun ci nnè.
La taliu 'mmucca, quasi-quasi ci lu dicissi,
è troppu bedda ca uguali nun ci nnè.

Avi li labbra russi e l'occhi pittati,
lu pettu beddu biancu sviluppatu,
li guanci beddi roselli 'ncipriati,
lu corpu beddu lisciu livigatu.

L'avvicinu e sentu lu sò profumu.
Ci toccu la manu e pigliu la scossa.
Mi sazzìu sulamenti di lu fumu
senza manciari carni e mancu ossa.

La taliu allammicatu.
Idda mi talia vidè.
Pi idda staiu cadennu malatu.
Pi idda vulissi nasciri arrè.

Lu dannu sapiti qualè ?
ca idda è maritata
e iu vidè.

Gilusii

Sulu a tia haiu amatu

Di ddù iornu ca mi lassasti,
lu me cori divintà na petra.
T'amavu, ma tu, mi 'ngannasti,
l'amuri e la vita mia marturiasti.

Ora sugnu sulu, arridduttu
cchiù peggju d'un stracciu,
nun vogliu cchiù campari,
'na mala cosa a cuminari.

Mi vogliu ammazzari,
vogliu muriri, nun pozzu
viviri senza 'na tò carizza,
senza la tò biddizza.

Amuri, a tia sulu hai amatu,
tu, fusti la prima ca haiu vasatu,
nun ci nnì sarannu cchiù atri novi,
dumani, si mi cerchi nun mi trovi.

'Nta li matinati 'n'omu truvàru
'ncampagna 'ntà un'arbulu 'mpiccatu,
'ni lu pettu un cartellu aviva appizzatu.
"Pi tia lu fici, sulu a tia haiu amatu".

Amicizia ... donu raru

Caru amicu, amicu caru,
si amicu quannu ti cummeni,
l'amicizia è un donu raru,
ma di chissa tu nun 'ni teni.

La 'mmidia ti mangia lu ciriveddu,
quannu l'atri godinu nun li digirisci
ti unchia lu stomacu e lu vudeddu
'nta li vini ha vilenu, lu capisci?

L'amicizia è fratellanza,
chidda ca nun 'n'ha tu.
Cancella 'sta 'ngnuranza
e nun ci pinsari cchiù.

Aviri n'amicu è 'na festa,
tenitillu, nun lu lassari cchiù.
Si di 'mmidia è china la to testa,
prega a Diu e l'amatu Gesù.

Amici cu amici vannu avanti,
tu cu la to 'mmidia va narrè-narrè,
amici veru, nun ci 'ni sunnu tanti,
chiddu chi perdi nun torna arrè.

Perciò caru amicu, amicu caru,
chiuditi la vuca e stringi li denti.
Fa divintari duci chiddu ca è amaru
pirchè la 'mmidia nun servi a nenti.

Tradimenti

Dimmi ca ti pintisti

Ti cercu, ma nun ci sì,
ti vogliu, ma nun ti trovu,
haju desideriu d'aviriti,
'mpazzisciu pi tuccariti.

Ti vulissi nuda davanti a mia
cu li tò capiddi logni, durati.
T'accarizzassi sutta la schiena,
amariti, anchi si ora mi fa pena.

Pirchè amuri miu mi lassasti,
pi un riccu vecchiu mi canciasti,
l'amuri chi ti detti nun 'n'avi pari,
chistu iddu nun ti lu pò mai dari.

Pi tia mi ittassi sutta un trenu,
accussì sulu ti putissi scurdari,
sunnè oi è domani lu fazzu
è megliu di divintari pazzu.

Pirchè fimmina maliditta mi tradisti,
ti vogliu ancora, dimmi ca ti pindisti.

Amari, amuri amaru

T'amavu,
tamassi,
si tu nun
amassitu
a natru.

Nun ti pozzu cchiù amari,
nun ti pozzu cchiù vasari,
nun ti pozzu cchiù circari,
ti pozzu sulu udiari.

T'amavu, lu sacciu iu
comu ti disidiravu.
Nun t'amu cchiù,
tradisti lu veru amuri,
ora, aviri peni e duluri.

Vattinni, nesci di la me vita.
Sula, scunsulata e persa
li tò iorna meriti passari,
lu manciari vilenu t'av'a fari.

Pi tia sugnu cchiù chi pazzu.
Si t'arrivu a vidiri t'ammazzu.
Nun ti scantari, nun aviri timuri
è sulu la forti rabbia di l'amuri.

Pi tia pigliavu 'na cotta,
ora pi mia, tu, si morta.

Biografia

Giuseppe Cardella, originario di Ribera, da anni si dedica, con entusiasmo sempre più crescente, alla poesia, soprattutto dialettale.



I vari riconoscimenti ottenuti in diversi concorsi nazionali ed internazionali lo spingono tutt'oggi ad intensificare la ricerca delle tematiche che nelle liriche hanno alla base la religiosità, la natura, i sentimenti e anche la terra agrigentina di cui racconta poeticamente pregi e contraddizioni. Ha una particolare predilezione per le poesie ad alto contenuto religioso. I suoi messaggi hanno come destinazione il mondo giovanile spesso intrappolato dalle devianze dei giorni nostri.

Si rivolge e implora il Signore a far sì che nel mondo vinca la fratellanza e la pace. Parla, anche con ironia, della sua terra natia e della sua gente, sfruttando spesso la fantasia che viaggia dalla realtà al mondo onirico.

Partecipa e ottiene importanti riconoscimenti in tanti concorsi e manifestazioni poetiche in diverse regioni della penisola, da Roma a Messina, da Bologna a Salerno, da Agrigento a Palermo.

I consensi sono più ampi perché Cardella è un artista che scrive fiabe e commedie. E' pure pittore che trasferisce sulle tele, dalla manipolazione tridimensionale ed onirica, i suoi stati d'animo che si ritrovano anche nelle sue liriche. Ha pubblicato una silloge di poesie, "Chi ti nnì pari ?", in dialetto siciliano.

Il poeta continua a scavare nel suo intimo, con certosina ricerca, per confrontarsi con gli altri e con il mondo.

Enzo Minio

Indice

Quannu tu nun ci si	Pag.	6
Uno, cento, mille		7
Arsu di siti		10
Smania d'amuri		11
Iu sugnu prontu		14
Ancora nun sapi nenti		15
Sulu a tia haiu amatu ..		18
Amicizia ... donu raru		19
Dimmi ca ti pintisti		22
Amari, amuri amaru		23
Biografia		25

Autore

Giuseppe Cardella

Via Castelli, 36 - 92016 Ribera (Ag)

Tel. 0925 66028 - Cell. 338 9652710

Sito web: www.cardellaart.it

E-mail: giuseppe@cardellaart.it

Giuseppa Carolella

